


KYRKJEKONTAKTEN

NR.3 — 2022 · 48. ÅRGANG · KYRKJELYDSBLAD FOR ALVERSUND / KNARVIK / LYGRA / SEIM



s. 2-3:
Cathrine er på plass

Cathrine er på plass

Tekst og foto: Øystein Skauge

Søndag 21. august vart den nye soknepresten i Knarvik, Cathrine Grutle, innsett i tenesta av prost Helge Taranrød.

Ei rekkje andre prestar og tilsette, i lag med representantar frå soknerådet, skapte ei høgtideleg ramme rundt denne dagen.

Like etter gudstenesta var kyrkjelyden samla i kyrkjekjellaren rundt veldekkta bord med kyrkjekaffi.

Cathrine fortel til Kyrkjekontakten om denne opplevinga:

– Førsteintrykket er overveldande, er hennar konklusjon.

– Det er noko med å kome inn i denne katedralen av ei kyrkje, stige inn i sjølve kyrkjerommet. Det er flott å sjå eit fullt kyrkjerom igjen. For det er vi ikkje bortskjemde med no, etter to år med pandemi. Det skal også vere enno ei gudsteneste på denne søndagen, den med fire dåp. Om dei som møtte opp der, hadde vore inkludert i innsetjingsgudstenesta, så hadde knapt nok alle fått plass i Knarvik kyrkje i dag, seier den nye presten.

Debuten i Knarvik sokn var ei gudsteneste i Seim kyrkje ei veke tidlegare. Cathrine fortel om fleire dåpsfølgje også der, og at ein del av den trufaste kjerna av kyrkjefolk møtte opp på Seim for å ta imot henne. Ei god oppleving.

– Kvifor søkte du deg til Knarvik?

– Det såg veldig spanande ut å lese om arbeidet som var i gang her. Eg likte å lese om barne- og ungdomsprofilen her i kyrkjelyden. Eg tenkte at her kan eg kanskje kome inn og gjere ein skilnad. Her kan eg få lov å vere heime. Men så visste eg sjølv sagt også at eg måtte få meg ein jobb i, eller nær, Bergen, sidan eg er gift med den nye prosten i Åsane.

Viktigaste oppgåve

– Kva ser du på som di fremste og viktigaste oppgåve som ny prest i Knarvik?

– Det flagga eg allereie i denne første preika mi: Forkynne at det ikkje er noko meir vi menneske kan gjere for at Gud skal elske oss meir. Men det viktigaste er at det er ingenting vi kan gjere for at Gud skal elske oss mindre.

Dette er mitt flagg, dette er min kjepphest.

Så får vi etter kvar sjå korleis dette kan lande i møte med ulike aktivitetar og med ulike menneske i kyrkjelyden.

Ungdom

– I di fortid som prest har du særleg engasjert deg i barne- og ungdomsarbeidet.

No er du ein godt vaksen prest og har leiarstillinga som sokneprest i ein stor kyrkjelyd. Kvar tenkjer du om dette vidare inn i di teneste?



Cathrine Grutle vart innsett i tenesta av prost Helge Taranrød.

– Eg tenkjer at eg aldri vert for gammal til å hengje med ungdom. Men no skal det bli spanande å ha eit overordna perspektiv og ikkje ha hovudansvaret for barne- og ungdomsarbeidet.

Eg vil gjerne bidra der det trengst, kanskje med å vere ein fagperson inn i kollegiet, i staben. Men gjerne ved også å kome inn og delta mellom dei unge. Kanskje kan det vere råd å drive leiartrening mellom ungdom? Eg har litt tankar om det. Det er likevel ikkje eg som skal vere barne- og ungdomspresten. Det har vi andre til. Men eg vil gjerne ha eit overblikk.

Ein anna ting som vil vere viktig for meg, er at eg skal vere like mykje sokneprest for Alversund, Seim og Lygra, som eg skal vere det for Knarvik. Den store kyrkja i Knarvik er ikkje viktigare enn dei tre mindre kyrkjene. Men vi må jobbe annleis der forholda er mindre.

Motto

– Har du eit motto for arbeidet ditt som prest?

– «Å male Kristus for augo på folk!» Og då vil eg gjerne bruke brei pensel og sterke fargar! Det vil eg gjere, seier Cathrine.

Bakgrunn

Cathrine Grutle er oppvaksen i Rygge i Østfold. Ho er glad

i dei gule åkerengene der i bygda.
- Bortsett frå sola på Østlandet, så er det eg saknar på desse kantane av landet, dei gyldne kornåkrane heimanfrå.

- Eg er oppvaksen i ein heilt vanleg familie med foreldre og ein bror, fortel ho. - Ingen sterk kyrkjeleg bakgrunn heimanfrå. Men som 13-14 åring kom eg inn i eit ungdomskor som vart veldig viktig for meg. Eg kan likevel ikkje hugse nokon periode der eg ikkje var ein kristen. Kanskje bortsett frå ei kort tid som 10-åring der eg tenkte at no er eg for stor til å syngje «Kjære Gud, eg har det godt». Eg syntes eg var ferdig med ei slik kveldsbøn. Men det gjekk berre ei veke, og så var eg over på Fadervår. Etter kvart gjekk eg fast, men åleine, på gudstenester, allereie frå eg var rundt 12 år.

Foreldra mine las bibelforteljingar for oss søsken då vi var små. Pappa har ei søster som var gudmor for meg. Ho har alltid bedt for meg. No bur ho på Sotra, og var her i kyrkja på innsetjingsgudstenesta. For meg var det sterkt å ha henne og resten av familien rundt meg i dag.

På slutten av vidaregåande opplevde eg at Gud kalla meg til teneste. Først tenkte eg ikkje på presteteneste. Eg skulle bli kyrkjelydssekretær, for då kunne eg bli konfirmantlærer, slik eg så gjerne ville. Men for at det skulle skje måtte eg ta kristendom grunnfag. Og i den prosessen fekk eg tru for å halde fram med teologi. Gjennom det opna kallet til å bli prest seg. Det har eg aldri tvila på.

Det vart gode år med studiar, ekteskap med ein anna prestestudent, born, og min første jobb som barne- og ungdomsprest gjennom 8 år i Hauketo-Prinsdal kyrkje i Oslo. Kvar torsdag hadde vi ungdomsgudstenester, og tidvis var det dåfleire på ungdomsgudstenester enn på søndagsgudstenestene. Det var litt stas!



Desse medverka i innsetjinga av ny prest: Framme f.v.: Spesialprest Tone Marit Øvretveit Dyrkolbotn. Medliturg Tove Sneås Skauge. Sokneprest Cathrine Grutle. Seniorprest Magne Bjørndal. Prost Helge Taranrød. Bak f.v.: Nestleiar i soknerådet: Kåre Jordal. Prost i Åsane Leif Endre Grutle, Kateket Nina Jenny Tresvik Monstad. Sokneprest Ole Marton Ølberg.



Nattverd: Eit godt frammøte til denne gudstenesta.

Kva skjer framover?

Det er klart for eit nytt haustsemester, og aktiviteten skal opp etter sommarferien. I kyrkjene våre er det mykje som skjer – og mykje å vera med på. Her får du litt informasjon om kva som er i gang i haust. Håper du vil ta turen!

Gudstenester: I Knarvik sokn er det gudstenester kvar søndag. «Turnusen» er slik:

Første søndag i mnd.: Knarvik kyrkje kl. 11.00

Andre søndag i mnd.: Knarvik kyrkje kl. 11 og Seim kyrkje kl. 11.00

Tredje søndag i mnd.: Knarvik kyrkje kl. 11.00

Fjerde søndag i mnd.: Alversund kyrkje kl. 11.00 og Kveldsgudsteneste i Knarvik kyrkje kl. 19.00.

Lygra: Eit par gongar i semesteret – følg med på nettsida og Facebook.

Barn:

Babysong er i Knarvik kyrkje måndagar kl. 10.30-12.30. Babysongen følj skuleruta. Her er det først rim, regler og sang i ca 25 minutt. Så er det enkel servering, leik og prat etterpå. 0-2 år. Gratis. Fortløpande informasjon på Facebook: Babysang i Knarvik kyrkje. Første gong i haust: 29. august.

KyrkjeGym'en er for born frå ca 1-4 år. Her er det leik, aktivitetar, ei lita samlingsstund. Me kokar kaffi/te for dei vaksne. Ta gjerne med matpakkekvelde til dei minste, det er godt tilrettelagt med bord, stolar og kald drikke i kyrkja.

Søndagsskule: Følg med på nettsida for oppdatert informasjon.

Knøttekoret: For barn frå 2-3 år t.o.m. 1. klasse. Her syng me kjekke og enkle songar, skjelpadda «Shelly» kjem, det er leik og moro. Onsdagar i partalsveker kl. 17.30-18.15 i Knarvik kyrkje.

SingSingeling: Barnekor for deg i 1.-3. klasse. Øving onsdagar kl. 18.00-19.00 i Alversund kyrkjelydshus.

SingOut: Kor for born i 4.-7.klasse. Øving torsdagar kl. 19.00-20.30 i Alversund kyrkjelydshus.

Fredagsklubben: For deg i 5.-7. klasse. Me samlast til leik, aktivitetar, spel, kiosk, andakt, sosialt, latter, musikkstudio og mykje anna kjekt! Ca annankvar fredag i Knarvik kyrkje.

KFUK/KFUM-Speidarar i Alversund: 3.-4. klasse, og 5.-10. klasse. Ta kontakt med kyrkjekontoret om du ønskjer å vera med.

Meir informasjon om alt dette på: www.kyrkja.no/knarvik (trykk på menyen «Barn»)

Ungdom:

Konfirmasjon: For deg som går i 9. klasse. Velkomen til å læra meir om kristen tru, bli betre kjend med deg sjølv, vera i eit sosialt og kjekt miljø og få oppleva kor kjekt det er å reisa på konfirmantleir! Invitasjon har gått ut i posten til dei som er medlem i Den norske kyrkja. Er du ikkje medlem, men ønskjer å bli konfirmert? Ta kontakt med kyrkjekontoret.

Møteplassen: Kvar tysdag f.o.m 6. september kl. 14.30-17.00 i Knarvik kyrkje, kjellaren. Open møteplass for alle frå 8. klasse og oppover. Kiosk med mat og snacks, aktivitetar som spel, karaoke, musikkrom, PS, hengeplass, brettspel, danserom, plass til å gjera lekser, m.m.

Kyrkjeklubben: Ein klubb for menneske med utviklingshemming. Song og leik. Kveldsmat. Samling i kyrkjerommet. Ein onsdag i månaden kl. 18. Du finn datoane i kalenderen på nettsida.

Kyrkjemiddag er for alle som ønskjer å eta ein god og billeg middag saman med andre. Ope for alle. Annankvar torsdag, partalsveker, frå torsdag 8. september. Kl. 16.30 – 18.00 i Knarvik kyrkje. Påmelding to dagar før på nettsida.

KULTURKAFÉ: Eit arrangement der menneske møtes på tvers av ulike kulturar og bakgrunnar. Me et saman, pratar, speler spel, lærer litt språk og har ulike aktivitetar/temaer. Ein fredag i månaden. Første gong: fredag 2. september.

Vaksne:

Strikke kafé: Strikke kaféen samlast i kyrkjekjellaren i Knarvik kyrkje oddetalsondagar kl. 19-21, sjå datoane i kalenderen. Kaffi og god prat! Vel møtt til alle - med eller utan strikketøy!

Fredagskaffi i Alversund kyrkjelydshus siste fredagen i månaden. Oppstart fredag 30. september.

Knarvik gospelkor: Øver annankvar torsdag kl. 19.00-21.30 i Knarvik kyrkje. For vaksne i alle aldrar.

Alversund Kammerkor: Øver tysdagar kl. 19.00-21.00 i Knarvik kyrkje.

Bønesamling i kapellet i Knarvik kyrkje dei fleste måndagar kl. 17.45-18.30.

Husgruppe/bibelgruppe: Kyrkjelyden har nokre grupper som møtast i heimane.

Fellesskap, samtale, bibel og bøn. Ta kontakt om du ønskjer å vere med.

Kontaktinformasjon, Kyrkjekontoret: post.knarvik@kyrkja.no

Frå kyrkjebenken

– Kor lenge har du vore aktiv i kyrkjelyden ?

– I 1988 bygde mannen min og eg hus på Skauge der eg og voks opp. Vi hadde ikkje vore her lenge før eg fekk spørsmål om å vere med i Myking sokneråd.

– Der var eg med i 3 eller 4 periodar, er ikkje heilt sikker. Er no med i kyrkjelydsutvalet, er av og til tekstlesar, og kan gjere andre oppgåver når eg har dagsformen i orden.

– Kva set du mest pris på ved kyrkjelyden?

– Kyrkjelyden på Myking har vore min åndelege heim sidan eg vart døypt der, så konfirmert og seinare gifta me oss der. Far min var medhjepar i kyrkja nokre år i oppveksten min. Han var difor alltid der når det var gudsteneste. Eg fekk spørsmål laurdag kveld om eg ville vere med i kyrkja dagen etter. Det kjentes ikkje som mas eller ”tvang”. Det var frivillig og kjekt å vere med. Ein vert etter kvart kjent med dei som går der. Det er ein god stad å møtast. Å trekkje fram kva eg set mest pris på i sjølve gudstenesta er mykje, men fine salmar, preika og nattverd er verdifulle ting å få med seg.

– Korleis vil du skildra kyrkja?

– Som før nemt, eg er vakse opp i Myking kyrkje. Den er mi. Her høyrer eg heime. Eg finn ein eigen ro her. Tankar og sinn får kvile.

– Eg kjenner godt kvart rom og kvar krok. Eg synest den er fin inni. Utanpå er den mindre fin for tida, skulle vore oppattmåla. Det er lite triveleg å sjå på, særleg rundt inngangsdøra.

– Er det ein salme du likar?

– Det er svært mange fine salmar. Vanskeleg å velje. I seinare tid har eg tatt fram salmen ”Guds menighet er er jordens største under!” (Ronald Fangen)

– Eg må nesten sitere første verset:

«Guds menighet er jordens største under!
Mens verdens skikkelse i hast forgår,
er Kristus i all evighet den samme,
og fast Hans rike på sin klippe står.
Mens verdensriker stiger og de synker,
går kirken mot fullkommenhetens vår.»

– Kva kjenneteiknar ein god kyrkjekaffi?

– God kaffi, noko godt å bite i, godt humør. Gode samtalar med gjerne nye, men også gamle kjende.



FAKTA:

Namn: Gerd Skauge Nesse

Alder: 67 år

Bustad: Skauge, Myking kyrkjelyd

Yrke: Pensjonert sjukepleiar

**Knarvik
Blomsterstove**



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjæresteinene der du trenger det.



Båten har alle sertifiseringer i verden, den er også godkjent som sleepbåt.

MS Glimt er har et dekkareal på 22 m², og en kapasitet på 3 tonn. Tilleggs er det en kran med 8 meter rekkevidde. Det er også en kjørerampe som kan legges ned for å frakte fiske, minigravner, ATV, motorisert trillebår, etc. stilles tilgjengelige. Båten stikker 1m djupt.

Ta kontakt på tlf: 4013 6666



Vi kan levere totalpakker med båttransport, stillas, maskinutleie, tømrere og malere, alt du måtte ha behov for. Vi har personell og utstyr til å bygge/ rehabiliterer kaiter, naust, hytter og hus.

Bovågen Service AS
Botjernvegen 16, 5934 Bovågen
Tlf: 4013 6666





Etikk, takk!

Butikksjef Katrine Kvalvåg Kolstad viser fram nokre av Fairtrade-varene Extra Manger tilbyr.

Butikksjefen på Extra Manger: Gje produsentane ei anstendig betaling

Tekst og foto: Arthur Kleiveland

– Eg synest det vil vera veldig bra dersom folk kjøper meir varer som gjer at fattige produsentar i andre land kan få betre betalt for produkta sine, seier butikksjef Karoline Kvalvåg Kolstad hjå Extra Manger.

I serien «Etikk, takk!» set kyrkjebladet denne gongen fokus på varehandel, konkretisert til Fairtrade og Nyt Norge-varer.

I Extra Manger hentar Karoline Kvalvåg Kolstad fram ulike Fairtrade-varer i butikken - kaffi, sjokolade, kakao, sjokoladedrikk, iskrem, sukker og iskaffi.

Ho seier at desse varene ikkje er godt nok kjende blant folk flest, og difor er responsen litt lågare for desse produkta. Men Kvalvåg Kolstad trur kundane er villige til å betala litt meir for å vera med på å gje produsentar ei anstendig betaling for varene sine.

– Eg synest difor det er fint at kyrkjebladet tar opp dette viktige temaet og kan vera med på å gjera forbrukarane meir bevisste på kva val dei har. Dersom folk vert flinkare til å nytta seg av desse varene, vil også butikkane ta inn meir og fleire varer i denne kategorien. Det skal ikkje stå på oss dersom interessa er der. Forbrukarane kan heilt klart påvirka dette, seier butikksjefen.

Vil ta samfunnsansvar

Ho har eit klart inntrykk av at folk er stadig meir opptekne av å vera med på å ta samfunnsansvar og støtta dei som slit.

– Det er veldig fint at det finst ordningar som Fairtrade, som kan bidra til å gje fattige i andre delar verda levelege vilkår, seier Karoline Kvalvåg Kolstad. 30-åringen tok over som butikksjef hjå Extra Manger hausten 2019, men har jobba der sidan 2009.

– Kan butikken eller du som butikksjef gjera noko for å informera og fremja Fairtrade-varer?

– Det kan vera aktuelt å informera om desse produkta med bruk av plakatar i butikken. Men i hovudsak er det kjeden som bestemmer kva profilering som skal gjerast i butikken, seier Karoline Kvalvåg Kolstad.

Trygg mat og dyrevelferd

Ho registrerer at det er mange kundar som er opptekne av Nyt Norge-varer, ei ordning som har etiske standardar som sikrar oss som forbrukarar trygg og (relativt sett) kortreist mat, og god dyrevelferd. Butikksjefen har mange varer med denne merkinga, t.d. mange kjøtvarer, frukt og grønt, meieriprodukt og juice, og frysevarer som grønsakblandingar og pommefrites, surkål og ferdiggraut.

– Spesielt merkar vi god interesse for kjøtvarer og grønt og frukt, seier butikksjefen hjå Extra Manger.

Etikk, takk!

«Rettferdige» blomar er vinn-vinn for alle

Tekst: Arthur Kleiveland.

Foto: Gunnar Kartveit

– Det er fint å kunna selja blomar og plantar som gir afrikanske kvinner arbeid og betre liv, seier Eirik Næss Viken ved Mester Grønn sin blomsterbutikk på Horisont i Åsane.

Eirik Næss Viken snakkar entusiastisk om Fairtrade og om Mester Grønn si betydelege satsing på ordninga som fremjar rettferdig handel.

– Folk er blitt meir bevisste på at dei ønskjer å kjøpa produkt som både er miljøvenlege og bidreg til å skapa betre levekår. Fairtrade-ordninga er vinn-vinn både for kundane – som ønskjer å vera samfunnsbevisste - og produsentane, seier Næss Viken.

Han trur satsinga på Fairtrade-blomar også er med på å gje Mester Grønn eit styrka omdømme.

Butikkmedarbeidarar hjå Mester Grønn på Horisont har ei klar oppleving av at stadig fleire har ei djupare forståing for kor viktig dette er, og at dei ønskjer å ta eit ansvar.

Vil stå opp for solidaritet

Han har jobba her sidan like før jul i fjor, og fortel om eit fokus på Fairtrade i opplæring og nettkurs frå første stund.

– Mester Grønn har ein klar filosofi om å stå for rettferdig handel gjennom Fairtrade og andre solidaritetsprosjekt, som t.d. dei såkalla Ukraina-bukettane.

100.000 jobbar



Her er nokre av Fairtrade daglegvarene



«Fairtrade gjer ein stor skilnad for veldig mange,» seier Eirik Næss Viken ved Mester Grønn.

Fairtrade er knytt til store farmar både i Kenya og andre stader i Afrika. I Kenya er det i stor grad roser som vert dyrka på desse farmane, og Eirik Næss Viken fortel at det skapar jobb til rundt 100.000 personar – og at det gjev store ringverknader for mange fleire i landet.

– Fairtrade gjer ein stor skilnad for veldig mange, seier han.

Han forsikrar at det er ferske blomar og plantar som kjem i butikken, sjølv om avstandane er lange.

– Effektiv transport frå dei afrikanske farmane gjer at blomane ikkje er gamle når vi får dei. Både produksjonslinja og transporten er så miljøvenleg som vi kan få til, seier Eirik Næss Viken.

An advertisement for VATNE begravelsesbyrå DAHLS. The background features pink flowers. The text is in white and black on a dark purple background.

VATNE
begravelsesbyrå **DAHLS**

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no

Ei «Fairtrade»-veke til inspirasjon?

Det starta som ein litt småsprø idé på eit møte i diakonigruppa i Alver kyrkjelege fellesråd. I den gruppa sit diakonane, Ruben og Gudveig, og spesialprestane, Håkon og Tone Marit. Me prata om dette med gode arbeidsvilkår, miljø, Fairtrade og rettferdig handel. Plutseleg hadde me blitt einige om å forsøka å leva ei veke på berre rettferdige produkt. Det er godt med litt press på seg sjølv, så me lanserte idéen til redaksjonen for det felles kyrkjelydsbladet i Alver – og vips; så vert det ei stor sak i dette bladet.

Prosjektveka vår vart avslutta med at Håkon diska opp med ein veldig god og rettferdig lunsj på kyrkjekontoret i Meland (sjå bilete for å bli freista!).

Bli med oss på eit forsøk på å berre eta rettferdig mat i ei heil veke.

Ruben Sæle:

Nokre refleksjonar etter ei veke med Fairtrade og Nyt Norge.

Det starta ambisiøst med at eg berre skulle kjøpe produkt med denne merkinga, men då eg skulle kjøpe lunsj på dag ein meldte spørsmålet seg: Kva skal eg leggje pålegget på? Nyt Norge-pålegg gjekk fint å finne – både kjøt og ost, og Fairtrade-te er fint å ha i koppen – det var til og med First Price-te med Fairtrade-merke. Den billegaste teen kan garantere gode lønsvilkår for arbeidarane, det er interessant. Det må seiast at også den dyraste teen, Jakobs, er Fairtrade-merka. Men, altså, ingen brød eller knekkebrød med nokon slik garanti.

Etter kvart som veka gjekk, og det skulle handlast til både meg, familien, og folk som kom på besøk, så blei ambisjonane senka noko. Det gjekk frå «Vel berre Nyt Norge- og Fairtrade-merka produkt» til «Vel Nyt Norge- og Fairtrade-merka produkt når dette er mogleg.» Elles hadde det ikkje blitt fredagstaco eller laurdagsgodt. Ein stad må grensa gå. Men biff på søndag med tilbehør og is til dessert, det gjekk fint.

Andre ting eg sakna:

- Eg fann ikkje noko syltetøy. Ikkje ein gong bestemødrene som rører i grytene til Hjemmelaget-serien til Nora kan skilte med Nyt Norge-merke.
- Eg fann ikkje noko fisk. Burde det ikkje vere mogleg med Nyt Norge-merka fisk i Noreg?

Eg undersøkte reglane for Debio økologisk, og EU sitt økologiske merke, men kunne ikkje finne noko krav til arbeidsforholda til desse merka. Litt rart at menneskevelferd ikkje er ein del av økologisk drift, men eg forstår at det kunne bli endå meir krevjande å ha med.

Det finst også andre merkeordningar som eg har lite kjennskap til, men som kanskje også stiller liknande krav som Nyt Norge og Fairtrade (Cocoa life, UTZ certified). Det er også viktig å hugse på at umerka produkt ikkje betyr at det er uetiske produkt. Det er fritt fram for alle bedrifter å



lønne arbeidarane sine skikkeleg utan å få det sjekka av td. Fairtrade. Det burde ein eigentleg kunne forvente at dei gjer.

Alt i alt var dette eit artig prosjekt som først og fremst gjorde at eg lærte meir om dei produkta eg ofte kjøper, og som eg bokstaveleg talt lever av. Det har vore nyttig og tankevekkjande.

Håkon Økland Kinsarvik:

Det å leve på Nyt Norge og Fairtrade-merka produkt var både vanskelegare og lettare enn eg trudde. Som alle andre gongar når ein avgrensar seg sjølv, vil ein ha det ein ikkje kan få. For å vere heilt ærleg, me åt ikkje berre mat merka med Nyt Norge og Fairtrade denne veka.

Eg trudde dette skulle være ganske enkelt, men det var det ikkje. I etterpåklokskapen si innsikt burde spelereglane vore noko rausare, for ein tur på butikken tok mykje lenger tid enn før.

Pålegg var ganske greitt å få tak i, men brød var heller vanskelegare, frukt var nærast umogleg, fisk var òg ganske vanskeleg å finna. Når eg gjekk i ein kiosk og ville ha noko godt, kom eg rett og slett tomhendt ut att derifrå når eg følgde reglane til punkt og prikke - noko eg då ikkje gjorde...

Tone Marit Øvretveit Dyrkolbotn:

Noko av det kjekaste eg veit er å planlegga, så kvar søndag prøver me å setja opp ein enkel middagsplan i heimen.

søndag prøver me å setja opp ein enkel middagsplan i heimen. Måndag er handledag, og alt me treng til veka vert forsøkt kjøpt inn. Planen denne veka var å setja opp ein «typisk» middagsplan, og så sjå om det var mogleg å få den med berre Fairtrade- eller Nyt Norge-merka produkt.

Ganske kjapt uti handleturen innsåg eg at eg har hatt litt flaks; for ein del av konseptet vårt denne veka var at me kunne bruka mat me alt hadde heime og hadde tankar om å bruka. Så eg kunne bruka både torsken og laksen som låg i frysen, og det var flaks, for det var vanskeleg å finna fisk som hadde desse merkingane. På torsken stod det at den var produsert i Norge, men det stod ingenting om arbeidsforhold, om den har vorte sendt til andre sida av kloden for pakking, eller anna informasjon.

Neste utfordring på butikken kom då pasta skulle handlast inn. Det var ikkje mogleg å finna med noko Fairtrade-stempel.

Så det var nokre utfordringar som dukka opp – den største var nok at det var dårleg med Fairtrade og Nyt Norge-merking på sjokolade... - men mest av alt har dette vore ei positiv utfordring for meg og kva eg tenkjer gjennom når eg handlar mat. For det er overraskande mange gode produkt



Nyt Norge-merket tyder friske plantar, god dyrevelferd og trygg og relativt kortreist mat.

i butikkane som er mogleg å få med Fairtrade og/eller Nyt Norge-merking. Det har vore lærerikt, litt frustrerande, og veldig kjekt med eit slikt prosjekt!

Konklusjon

Vi finn mange produkt som er merka anten Fairtrade eller Nyt Norge dersom vi ser etter dei. Og fleire varer vil vi etter kvart finna dersom mange nok spør etter dei i butikken der vi handlar. Vi utfordrar lesarane til å bli meir bevisste på dette. Det hadde vore kjekt om det var lett å velja FairTrade og NytNorge! Så vil kanskje eit nytt forsøk om eit år gje betre resultat?

Bygg Team
VEST AS



Alt innan tømrarfaget!



Kan du hjelpe eit barn eller ein ungdom som har det vanskeleg? No er det behov for fleire fosterheimar i ditt nærområde.

Den norske kyrkja samarbeidar med Fosterheimstenesta i Bergen om å finne fosterheimar i kyrkjelydane.

fosterheim.no



HELLAND ELEKTRO AS

EL.INSTALLASJON - INGENIØRTENESTER - SERVICE

Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



SIKRINGEN
- din elektriker



RISNES ELEKTRO AS

Elinstallatør · tlf. 56349620



Andakt

Av: soknepresten i Knarvik, Cathrine Grutle

For tiden nyter jeg gode og kaotiske dager som ny ankommet prest i Knarvik, ny innflyttet i eget hus og gjenforent med mannen i mitt liv etter et års tid som særboende. Det er mye som er bra! Et av tre barn har blitt med på flyttelasset til Bergen, mens de to andre forhåpentligvis kommer på besøk med ujevne mellomrom.

Jeg har vært barne- og ungdomsprest i Oslo og sokneprest på bygda i Møre. Nå gleder jeg meg til å være sokneprest i Lygra, Seim, Alversund og Knarvik. Det er mye som er nytt, men jobben er heldigvis den samme.

Opprinnelig kommer jeg fra Rygge i Østfold. Jeg husker godt at det ble bygget en ny kirke på Ekholt der jeg bodde. Det var min første arbeidskirke. Jeg husker hvor fint det var med et fleksibelt kirkerom. Der kunne vi i ungdomskoret snu rundt på kirkerommet når det var ungdomsgudstjenester og finne våre egne uttrykk. Troen vår fikk rom til å vokse og mange av oss fikk et eierforhold til kirka. Senere har jeg lært å bli glad i de eldre kirkene også, men det er nok arbeidskirkene som står hjertet mitt nærmest.

Som ny er jeg opptatt av å se og høre om alt det gode arbeidet som gjøres i kirkene våre. Litt vet jeg om, men jeg gleder meg til å lære mer. Nå om dagen handler det mye om «begynnelser» for meg og det får meg til å tenke på den første begynnelsen.

«I begynnelsen skapte Gud himmel og jord». Så ble jorden fylt med liv og leven og «Gud så på alt det han hadde gjort, og se, det var svært godt!» Dagens klode er ikke like perfekt som den en gang var, og vi har et ansvar for å ikke gjøre ting verre. Egentlig bør vi sikte enda høyere og prøve å gjøre ting bedre. Det kan av og til føles som en dråpe i havet, men jeg tror det hjelper at vi resirkulerer avfallet vårt. Kjører tog i stedet for fly. Kjøper rettfærdig kaffe, og passer på at vi ikke kjøper mer mat enn vi kan spise.

Det er ikke bare jorden som trenger en ny begynnelse. Vi mennesker trenger det jevnlig, og får det i møte med Jesus. Han har ikke lovet oss perfekte liv, men har lovet å gå sammen med oss på vår vandring gjennom livet.

15 spørsmål

Av Borgny og Erling Tjore



1. Kor mange kyrkjer er det i Noreg?
2. Kven var det første mennesket på månen?
3. Kva song er dette henta frå? «..og vinna lukka lang..»
4. Kva år døydde kong Haakon?
5. Kva er alopesi?
6. Kva år vart NATO skipa?
7. I kva land var Idi Amin herskar?
8. Autofobi – kva tyder det?
9. Kva år vart første oljefunnet for Noreg gjort?
10. Kva song er dette henta frå? «I den det gamle faller»



11. Kvar kjem fotballspelaren Socrates frå?
12. Vart Jesus fødd i Jerusalem, Betlehem eller Nasaret?
13. Kor mange dagar er det mellom påske og pinse?
14. 4. juli er offisiell flaggdag i Noreg. Kvifor?
15. Ordet «Volvo» er latin. Kva tyder det?



KNARVIK  **SENTER**

Møteplassen for handel og kultur

Gravminne



- Ring for katalog
- Navnetilføyning
- Gravstell
- Oppussing

 **Hageland**
Eikanger

Sauvågen 251 - 5913 Eikangervåg - tlf 56 3577 30

KULTUR- KALENDER

24. september

Konsert i Alversund kyrkje kl. 20.00.

Kristin Minde med Seim Songkor som gjester inviterer til release- og jubileumskonsert i Alversund kyrkje. Dette er ein del av hennar releseturné med band for albumet «Alle slags dager». Billettar ved inngang eller på www.kristinminde.com.

23. oktober

«Nocturne» - Jubileumskonsert i Knarvik kyrkje kl. 19.00.

Musikkens venner Nordhordland vart stifta i 1982 og kan altså sjå attende på 40 år som aktør på kulturfeltet i regionen. Utøvarane er lokalt forankra og mange av dei har òg tidlegare musisert saman i regi av Musikkens venner, til dømes Seim songkor og Alversund kammerkor.

27. oktober

Vamp-konsert i Knarvik kyrkje kl. 19.00.

Vamp høyrer til eliten av norsk musikkliv. Dei har utvikla eit spesielt uttrykk i møtet mellom musikk og lyrikk som har treft den norske folkesjela. Billettar: www.ticketmaster.no.

20. november

Händels Messias i Knarvik kyrkje.

Alversund kammerkor m/solistar og orkester.

26. november

Klassiske perler – konsert i Knarvik kyrkje kl. 18.00.

Manger Musikklag er i gang med siste halvdel av jubileumssesongen. På konserten har dei med seg Melissa Baug, Rune Alver og Erlend Aagaard-Nilsen. Dirigent Maria Nygård Molund. Billettar: kr. 250/200. Skulekorpsmusikantar gratis.

TRENG DU NOKON Å SNACKE MED?

Nokre som ringer tenkjer på å ta sitt eige liv,
andre er usikre, einsame eller redde.
Nokre treng berre å slå av ein prat.

Ring eller skriv: Vi er her. Alltid. kirkens-sos.no

SOS
22.40.00.40

SOS
CHAT

SOS
MELDING

KIRKENS
SOS

Svar, 15 spørsmål:

1. Ca 1620 stk. 2. Neil Armstrong. 3. Det folk som frægt vil vera. 4. 1957. 5. Hårtap. 6. 1949. 7. U ganda. 8. Redd for å vera ælne. 9. 1967. 10. Jeg velger mig april. 11. Brasil. 12. Betlehem. 13. 50 dagar. 14. Dronning Sonja sin fødselsdag. 15. Eg rullar



Gla'sang i Nordhordland

Bli med på tv- opptak til Bedehuskanalen

Konglevoll bedehus 7.september
Leirvåg bedehus 21.september
Eknes bedehus/KRIO 5.oktober
Betania Knarvik 19.oktober
Frekhaug bedehus 2.november

Talar: Johnn Hardang
Musikk: koret Hatikva og lokale sangkrefter

Klokka 19.00
Møt i god tid før opptak



Bedehuskanalen



OPPSKRIFT

Banankake med Fairtrade-ingrediensar

Ingrediensar:

- 4 stk Fairtrade bananer, overmodne
- 3 stk egg
- 100 g nøytral olje (raps el soya), gjerne økologisk
- 400 g mjøl
- 150 g Fairtrade-sukker
- 1 ts bakepulver
- 0,5 ts salt
- 1 ts kanel
- 100 g Fairtrade-sjokolade
- 50 g valnøtter , hakka

Slik gjer du:

Set ovnen på 180 grader, og kle ei brødform med bakepapir.

Mos bananene med ein gaffel til bananpurè. Tilset egga og rør til dei er godt blanda inn. Rør inn olja.

Sikt inn det tørre, og vend saman med ein slikkepott.

Tips! Ikkje rør for mykje, då blir konsistensen veldig hard.

Vend inn sjokoladen og valnøttene rett før steiking.

Ha røra over i brødforma, og steik i ca. 50 minutt (avhengig av omn).

Pynt den som du ønskjer, prøv t.d. honning og banan i skiver.



Foto: meny.no/oppskrifter/kaker/
Frukt-og-barkaker/Saftig-banankake-med-sjokolade/



Grilla sumarkål med bruna smør

Som ein del av FairTrade-prosjektet du kan lesa om i dette bladet, skulle Håkon Økland Kinsarvik, spesialprest for barn og unge i Meland, prøve å lage ein billig middag for under 100 kr for fire personar. Grilla sumarkål med hasselnøtt og bruna smør, med urter frå terrassen, er lett og god middag som ein bør prøve.

Grilla sumarkål

Ta av ytste lag av blad av kålen og del kålen i fire eller åtte, ta utgangspunkt i stilken så skivene held saman.

Smelt litt smør og pensle kålen

Grill kålen på grillen til den er gyllen og ser mjuk ut, bruk lav varme. (du kan også bruke grilleffekt i ovnen om du ikkje har grill.)

Nøttesmør med hasselnøtt

Ta ca 150 g. smør i ei panne på høg varme, lat det smelte og rør rundt med ein visp, etter kvart får smøret ein brunfarge. Ta panna av varmen og tilsett 20 g hakka hasselnøtt med litt salt.

Server med urter etter eige ønske og gjerne ein slangeagurk delt i to, skrap ut kjernen og ta litt salt på agurken, vent nokre minutt og skyl i vatn, del så agurken i små bitar etter ønske.

Server med grilla brød med smør eller olje, og salat viss du ønsker.



NORDHORDLAND
BEGRAVELSESBYRÅ

Ditt lokale
gravferdsbyrå

ALLTID HER FOR

deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1
Alversund

Havnevegen 31
Frekhaug

Elvavegen 1
Dalekvam

Torsvik Elektro AS er total-leverandør
av elektroinstallasjoner i Alver

Vi utfører:

Bolig og industri • Alarm
Billadere • Adgangskontroll
Tele/data-nettverk •
Automatisering •
Godkjent for kontroll
av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST - LØSNINGSORIENTERT - SAMARBEIDSVILLIG

Torsvik
ELEKTRO

Snart tid for julemessene!

Tekst: Tone Marit Øvretveit Dyrkolbotn

Foto: Eli Eidsnes

Ja, det er faktisk det – i alle fall for dei som legg ned ein enorm frivillig innsats for å arrangera messene.

Det er framleis ei stund igjen til jul, men snart er det tid for dei tradisjonelle julemessene. I Knarvik kyrkje skal NMS (Det Norske Misjonsselskap) arrangera julemesse laurdag 5. november. Det er ein stor og viktig dag som samlar folk i alle aldrar til ei fin stund med mykje kjekt og der alle inntektene går til viktig misjonsarbeid.

Men kva skjer i kulissene før ein slik dag? Det er ikkje lite – og her kan du få eit lite innblikk.

For det er mange folk i sving før ei julemesse. Det er menneske som bidreg med baking til kaféen, nokon har ansvar for det praktiske som må på plass før eit slikt arrangement, det er mange som produserer flott handarbeid og bakevarer som vert seld på messene, og det er mange som har ulike oppgåver på sjølve messedagen.

Julemessene er ein tradisjon som har vore i mange år, og ein slik dag inneber mellom anna eit opningsmøte, informasjon om misjonsarbeidet, kafé med mykje godt å bita i, salsmesse med utruleg mykje flott og godt, årsal og aktivitetar for borna.

Eli Eidsnes er ei av dei som står på for at det skal verta julemesse, og no gler ho seg til første helga i november.

– Det er koselig med julemessene. Det er kjekt å samla mange folk, sjå alt det flotte som dyktige folk har laga, og vera med på innsatsen som vert lagt ned for å samla inn pengar til misjonen, seier ho. Eidsnes trekk fram den enorme frivillige innsatsen som så mange legg ned – den betyr verkeleg ein skilnad.

Men det er ikkje berre på sjølve messedagen denne innsatsen vert lagt ned.

– Fleire jobbar med handarbeid heime gjennom heile året. Men me prøver og å samlast til nokre felles produksjonsdagar. Det er veldig kjekt! Då tar me med oss det me likar å jobba med og sit saman for å laga ting som skal seljast på messa. På den måten vert det meir sosialt og ein kan gjerne læra litt av kvarandre på ein slik dag, fortel Eli Eidsnes.

Julemessene samlar mange menneske som ønskjer å kjøpa julegaver, julebakst eller prøva vinnarlukka i årsalet. Ein populær og triveleg samlingsplass for bygdefolk. Men kva betyr desse messene for dei som legg ned ein frivillig innsats – og for misjonen?

– For misjonen er dette ei stor inntektskjelde. Messa er ein viktig del av NMS i Nordhordland sitt arbeid, seier Eidsnes, og fortset: - Så trur eg det er mange som syns det er kjekt



Ingvild Skår jobbar med produksjon av bilete med motiv av ull under produksjonsdagen før julemessa i år.



God stemning, prat og jobbing står på agendaen når NMS arrangerer produksjonsdagar før julemessa.



Djup konsentrasjon og triveleg prat under produksjonsdagen før julemessa. Det er kjekt å jobba saman mot eit felles mål.

å få bidra i arbeidet. Det er rom for mange forskjellige folk – og plass til ulike bidrag. Det trengs folk på kjøken, praktisk arbeid, salg av årer, gje gevinstar, laga ting til sals, ha aktivitetar for borna, og mykje meir.

Det er mange folk i sving – og det er lett å forstå at det motiverer og er kjekt å få til noko saman. Særleg når ein veit at arbeidet nyttar – at det betyr ein forskjell for medmenneske.

Så ta gjerne turen innom julemessene i nærleiken av deg i førjulstida!

Slekters gang

Knarvik

Døyppte

28.04.22 Samira Eikanger
01.05.22 Guro Mjanger Skeie
15.05.22 Emma Moberg Horne
15.05.22 Amanda Harrison
15.05.22 Josefine Helen Haukås Lie
22.05.22 Evolette Albertsen Karlsen
22.05.22 Athene Marie Løvoll Johannessen
05.06.22 Konrad Freyrheim
05.06.22 Amalie Syversen Renholm
05.06.22 Leah Molvik Madsen
03.07.22 Liam Nathaniel Kvamsdal Hoelstad
07.08.22 Kristiane Tolleshaug Almelid

Døde

25.04.22 Helge Bergetun f. 1954
11.05.22 Inger Johanne Gjerde Tellevik f. 1960
15.05.22 Wenche Karin Salsnes f. 1948 (Knarvik sjukeheim)
22.05.22 Nils Bjarne Øvretveit f. 1929

Alversund

Døyppte

14.05.22 Vilma Reventlow Bø
Vigde
14.05.22 Mona Kvalheim og Dag Inge Mehl
11.06.22 Marleén Blålid og Arild Knarvik
11.06.22 Hanne Kristin Alver og Stian Villanger
18.06.22 David Gillett og Randi Hindenes
09.07.22 Silja Rebnord Matre og Jogeir Rebnord Kaardal

Døde

09.05.22 Bjørg Marit Skar f. 1949
22.05.22 Arthur Oddvar Skar f. 1948
16.06.22 Holger Jean Janssen f. 1948
21.06.22 Britt Carola Johanne Holmgren f. 1934
24.07.22 Hans Jakob Haaland f. 1927

Seim

Døype

10.07.22 Andrea Lygre Knarvik
10.07.22 Johannes Nersveen Roset
14.08.22 Halvard Langesæter
14.08.22 Yakob Idrisa Skår Jakobsen

Vigde

04.06.22 Elisabeth Idsø Gjerde og John Olav Thorsheim

Døde

06.05.22 Ragnvald Johan Seim f. 1927
11.06.22 Berit Kjellaug Monstad f. 1934 (Velferdssenteret Manger)
03.08.22 Alf Adolf Kristensen f. 1926

Lygra

Døyppte

08.05.22 Kristine Dorthea Andersen Karlsen

Døde

06.07.22 Jostein Norheim f. 1941

Nokre glimt sidan sist



Sommaravslutning for Knøttekoret

Knøttekoret hadde ein triveleg sommaravslutning der både born, føresette, tanter, onklar, besteforeldre og søsken var innom for å lytta til koret, leika og møta Shelly. Leiarane for Knøttekoret gjer ein fantastisk innsats gjennom året - og fekk ein velfortent takk!

Knøttekoret er for barn frå 2-3 år t.o.m. 1.klasse. Tid: onsdagar i partalsveker kl. 17.30-18.15 i Knarvik kyrkje.



Alversund kammerkoret markerte 30-årsjubileum (2 år på etterskot) med ein tur til Trondheim i pinsehelga. På programmet sto mellom anna ein konsert i Vår Frue kirke. Foto: Randi Larsen.



Olsokstemne på Fjon

I år var det Knarvik sokn som hadde ansvar for det tradisjonelle olsokstemnet på Fjon Fjellkyrkje. Ein fantastisk gjeng med frivillige frå soknet stod for organisering, tillaging, rydding og alt - ein strålande innsats!



Sommaravslutning for Fredagsklubben

Fredagsklubben hadde ein kjekk sommaravslutning med mykje leikar, konkurransar, god mat og milkshake i kiosken. Andakt, latter, og fin stemning! Fredagsklubben er i Knarvik kyrkje ca annankvar fredag i haust, meir info på nettsidene. For born i 5.-7. klasse.

Tankestrekk

Av Janicke G. Lyngøy, soknerådsleiar i Knarvik sokn

Kvardagsbetraktningar ved semesterstart

Og plutselig var den her igjen! August måned, som betyr ferielutt, skolestart, og oppstart av kvardagslogistikken med alt det fører med seg. Som mor til tre born i ulike alder, kjenner eg ofte på utfordringane i kvardagslogistikken. Me tel fem i vår familie, og me, som dei fleste andre i vår situasjon, må både planlegge godt, og innimellom inngå kompromiss for å få «kabalen til å gå opp». Det kan ofte vere travelt, og mange gonger har eg tenkt «om me berre kunne fått fleire timer i døgnet»... for så å kjapt konkludere med at då hadde me fylt dei timane med anna hektisk innhald, som igjen hadde ført til at me ikkje hadde hatt så mykje ekstra tid uansett. Men midt i all travelheten og jaget me i vårt samfunn lever med, kan det vel vere nyttig å stoppe opp -akkurat lenge nok til å tenkje igjennom velsigningane me lever med som noko sjøvsagt: Våre born får gå i barnehage og på skule, ja, dei får gratis skolegang ut vidaregåande! Det er mange meninger om dei politiske prioriteringane, og velferdsstaten vil sikkert alltid kunne bli utbetra endå litt til... Men: Aldri blir me som foreldre i Noreg (uavhengig av vår økonomiske situasjon), nøydd til å vurdere å sende borna våre ut i arbeid i staden for å gå på skule, fordi det er den einaste måten familien kan overleve. Og blir borna våre sjuke, treng me ikkje frykte for at dei ikkje vil få god, medisinsk hjelp. Gratis sjølvsgat. Døgnet treng nok ikkje fleire timar.

Takk for at me har det privilegiet at me kan fokusere på stadig betring og utvikling av eit samfunn der dei aller fleste alt har det veldig godt.

Takk for at me har det så bra at me kan sukke over travle dagar og kvardagslogistikk.



DEN NORSKE KYRKJA

Kyrkjekontakten:
Knarvik kyrkjekontor

Lonsvegen 100, 5914 Isdalstø

Opningstid:
Tysdag-fredag kl. 9.00-15.00

Tlf.: 4000 1691

alle kvardagar kl. 10.00-14.00.

Postboks 228, 5903 Isdalstø
post.knarvik@kyrkja.no

www.kyrkja.no/knarvik

Facebookside: Knarvik kyrkje

Kontonummer: 3633 67 39882

Vipps: 517310

Hugs å merka kva betalinga gjeld.

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjeverje: John Fredrik Wallace
jw734@kyrkja.no

Leiar i fellesrådet: Grethe Lunde,
gr-lunde@online.no

Soknerådsleiar:

Janicke Gruehagen Lyngøy

Kyrkjekontakten

Utgevar: Knarvik sokn, i samarbeid med Meland sokn, Osterfjorden sokn, Mo sokn, Radøy sokn og Lindås sokn.

Redaktør: Gunvor Taule Mjanger
Lokal redaksjon: Øystein Skauge, Synnøve Bjørndal og Tone Marit Øvretveit Dyrkolbotn

Grafisk design: Simen Søvik

Trykk: Bodoni AS

Framsidedeilete: Øystein Skauge



Cathrine Grutle
Sokneprest
cg836@kirken.no



Tone Marit Øvretveit Dyrkolbotn
Spesialprest (vikar)
td663@kyrkja.no



Synnøve Bjørndal
Dagleg leiar
sb876@kyrkja.no



Helle Kartveit
Konfirmantlærer (vikar)
hk737@kyrkja.no



Helge Taranrød
Prost
ht759@kirken.no



Nina Jenny Tresvik Monstad
Trusopplærer
nm853@kyrkja.no



Magne Bjørndal
Seniorprest
mb578@kyrkja.no



Bjørn Furukawa
Kyrkjetenar
bf982@kyrkja.no



Odd Leif Mjøs
Kantor
om623@kyrkja.no



John Fredrik Wallace
Kyrkjeverje
jw734@kyrkja.no

Kristine Rykkje Hopland
trusopplærer (permisjon)

Torbjørn Sæle
spesialprest (permisjon)

GUDSTENESTE- KALENDER



Knarvik

18. september

15. s. i treeiningstida
Kl. 11 v/ Cathrine Grutle
og Helle Kartveit. Dåp.
Konfirmantpresentasjon.

25. september

16. s. i treeiningstida
Kl. 19: Kveldsgudsteneste v/
Helge Taranrød. Nattverd.

2. oktober

17. s. i treeiningstida
Kl. 11 v/ Cathrine Grutle. Dåp/
Nattverd.

9. oktober

18. s. i treeiningstida
Kl. 11 v/ Cathrine Grutle.
Nattverd.

16. oktober

19. s. i treeiningstida
Kl. 11 v/ Helge Taranrød. Dåp/
Nattverd.

23. oktober

20. s. i treeiningstida
Kl. 11: Familiegudsteneste.
Dåp. 4-årsbok.

30. oktober

Bots- og bededag
Kl. 19: Kveldsgudsteneste.
Nattverd.

6. november

Helgemessesøndag
Kl. 11. Dåp/Nattverd.

13. november

23. s. i treeiningstida
Kl. 11: Familiegudsteneste.
LysVaken.

27. november

1. s. i adventstida
Kl. 19: Kveldsgudsteneste.
Nattverd.

4. desember

2. s. i adventstida
Kl. 11. Dåp/Nattverd.



Alversund

25. september

16. s. i treeiningstida
Kl. 11 v/ Magne Bjørndal. Dåp.

30. oktober

Bots- og bededag
Kl. 11. Dåp.

6. november

Helgemessesøndag
Kl. 18: Minnegudsteneste.

27. november

1. s. i adventstida
Kl. 11. Dåp.



Lygra

20. november

Siste s. i kyrkjeåret
Kl. 11 Familiegudsteneste.
Dåp. 4-årsbok.
Konfirmantpresentasjon.

4. desember

2. s. i adventstida
Kl. 18: Lysmesse.



Seim

9. oktober

18. s. i treeiningstida
Kl. 11 v/ Helge Taranrød. Dåp.

13. november

23. s. i treeiningstida
Kl. 11. Dåp.

NY REDAKTØR I KYRKJEBLADA

Øystein Skauge tar over som redaktør av kyrkjeblada i Alver frå nr 4/22.
Gunvor Taule Mjanger seier takk for seg, og ønskjer lukke til vidare!